

嚴駢列星冠共啓玉匱珠璠之祕用陳誠意
上瀆

天顏云

啓壇文

伏聞霄層我天不閉感通之路人道渺渺

聖帝垂臨下之私嚴敬家庭恭修淨醮薦蘋

繫於下土通香火於上蒼敢布愚衷仰干

洪造入意今則恭歲仙科仰延真馭允謂建

齋之始初嚴事帝之誠懶祭雖微龍車望幸

惟喧囂之穢土懼瀆高明瞻彷彿之醉容愈

增戰慄伏望

雲與鶴馭下天門之九重絳節霓旌駐人間

之五濁

玉虛三境金闕萬靈暫辭邈邈之天下副虔

虔之懇命里域靈官肅嚴齋席救衛壇將吏

驅斥妖氛使精意感通齋功成就即荷上聖

降臨之恩臣云

啓壇文用

臣聞湛寂高真本無為而善應玄虛妙道常

有感以潛通非虔仗於靈科孰仰干於聖造

今則華壇既啓醮禮將陳先懇祝於皇靈次
披宣於道範惟冀洞貫九天之上咸使聞知
昭回三界之中曲蒙感格廣垂至德兼覆含
生

黃籙齋祝香入意後文

洪惟黃籙寶齋紫陽秘格上可以鎮天安地

下可以保國寧家濟存拔亡延生度厄萬天

所重千聖攸遵教演九時取則九陽之數壇

開三級旁分三氣之華配八卦於八方定十

干於十位乾天門而巽地戶良鬼道而坤人

途莫不弓旗鑑劔以列於威儀選豆陶匏以

薦乎凡品予以法天而象地予以通真而召

靈且等拜既初謁真伊始想玉階方寸之

地無敢不恭瞻天顏咫尺之威如在其上伏

望

三清十極萬聖千真暫辭金闕之崇高俯盤

塵寰之湫隘坐使環堵一屋之地化為清都

太微之居欽茲降臨不勝延佇臣等

諸齋祝香陳願意後文

於是壇場初啓閭闔洞開肅清衆以無諱聲

丹衷而有恪崇效天而卑法地制備乾坤左
顧儀而右盼璘門開日月寓精意於蘊藻類
繫之內格霄貫於杳冥恍惚之間七日戒而
三日齋敬效昔人之事帝內盡志而外盡物
誓堅今日之推誠開衆妙之寶壇今時之

素願旅延羽士歌詠洞章清蹕舉而雷動風

馳法水噴而雲行兩施伏望

星官月殿絳闕清都玄之又玄盡重玄之列

聖上極無上過最上之高真降自天中之天

來從象外之象遊空飛步芝童執節以前趨

駕景乘龍仙馭控輿而直下來顧苾芬之薦

俯歆螻蟻之誠貽貺存亡覃恩幽顯即荷上

靈之監敢忘不應之符欽俟降臨曷勝延佇

且某云

啓壇文

三界應感一切真靈願聞關奏俯降香壇既

沐垂光少歆懇悃注想仙音清曉羽衛森羅

飄飄垂風幄雲軒隱隱現霓旌絳節至真所

格凡居為紫府丹霄仙仗來臨塵世變瑤池

玉闕暫停鸞駕俯察丹衷輒露微誠仰干

洪造入意臣聞

道帝應人天惟聽下既有投誠之切敢忘謹始之嚴內竭精衷外殫庶物壇壝法規而則矩陶匏尚質而去文信幣交陳各象五方之色簪裳肅列爰分衆職之班燭龍交映於神光香獸互凝於瑞霧莫不溪毛蠲潔華藻纘紛當尊卑奠位之初乃天人交感之際天威咫尺雲氣晏清倏降臨務先嚴肅伏願帝顏允瞻閭闔齊開萬乘啓途百神戒道師子白鶴擁天仗以來臨應龍青虬輓帝車而倏至不違凡個庶畢齋功即荷衆聖降臨之恩臣等

啓壇告真吉用

並願蕭韶前引軒蓋後隨霧捲霓雲浮月帔風伯清道雨師灑塵界清蹕於天衢散寶花於法界迅飛部從降格道場幸披霧以觀瞻願刻心而控懇今有云云
茲夕精誠爰啓懇悃斯陳請迎之禮既禪鑒格之情無爽壇排圓級位列高真羣仙離碧洞瓊宮衆聖下金樓玉殿莫不幢幡引駕寶

蓋隨軒雲繚如王彩光天霧集若星輝燦目

帝顏穆穆疑凝續以俟聽凡情恣嶽巖巖捧金編而鑒觀黜禮南曹染翰將錄善以上生此府揮毫俟紀功而落死當此之際有片善者奚患三界之弗知運此之心有寸功若勿訝衆真之弗錄况夫精崇妙會嚴設香壇具十二念之善心遵三九等之齋法者孰謂聖賢之不接物何疑幽顯之不沾恩非道弘人能弘道今則延仙游之瞻願按科法以闡盟教叙凡誠仰干洪造伏願三清三境十極十華妙行真人至真大聖九天星象三界威靈放五色之祥光陰九華之寶蓋迂臨法席成就善功成所禱祈即遂通感臣與云

宿啓白五師文

醮筵乍啓齋事云初望三境之鬱羅冥心注想延九清之醜馭拜手翹勤列冠珮之巍哉接威神於恍惚切慮玉京金闕紫府丹臺日月星宮璇霄斗極高超象外迥出人間難通葵藿之誠莫遂頌繁之薦洪惟師寶久廓道思凡茲設醮以建齋須賴敷誠

而達個今有某伏念素叨玄化久沐真風爰卜今辰欽爾志願吉凶禮盡恭而貌盡敬應以實而不以文重念臣道備未聞具筌莫曉誤蒙請命承乏闕宣伏乞

靈寶五師道德衆聖不違懇請天賜舍洪分造四司曹係五帝官屬證明齋事騰達願誠省覽詞章潛垂恩祐乞使逐時關奏祈禱感通志願克諧善功昭著誓堅誠懇仰答恩休臣等云云

建壇發爐

切以露丹懸於高天心修事帝俯紫霄於寸地式按招真屬聖凡交感之初正壇陞吉燭之始為摠誠個千冒天威奉道其幸以宿困獲生華旦有域中四大之德預天下萬物之靈穀腹絲身僅免啼號之患天形道貌幸全稟貸之仁報未見於消埃念不忘於夙夜謹消吉旦恭了初心方此漏箭初傳更聲乍警明九微燭燒衆妙香霧塵淨而天風清陰氣升而夜光冷凡三宵修敬之事在一步復踐之初伏冀凡個升聞帝聰遙徹暫出鴻濛之

境來臨圭潔之場王女金童散天香而郁萬
霓旌絡節雜花雨之繽紛不遺一芥之賤微
少慰歷年之素願天上云云

啟齋五師前

臣聞先天主教混元已退於無為歷劫度人
師實上膺於春命是以玄中莅職監齋糾非
經籍度之相傳天地人之共賴隨機赴感有
願必從今建寶齋並幽明而利濟願臨塵界
垂恩惠以單延謹登凡情仰干
師造

清旦

切以大明生於東方了無塵翳平旦之存夜
氣豈有枯亡雲車鶴駕之徘徊野馬塵埃之
不動屬陳度命若消災之悃上瀆好生之慈
意以今清旦行道關奏上靈伏望師真俯垂
恩祐導達誠悃如果日之上昇潛削愆瑕若
薄冰之渙散使片善克無於魔障而洪恩單
及於幽明感戴之心始終在念云云

臨午

齋事有嚴謹終謹始聖心之格無黨無偏觀

聖人揭大中以示人若曦馭正離明而燭下
無幽不照萬物資之以生成有感皆通一念
扣之而通達爰當臨午壽至輪誠敷露詞情
冒干師聽以今云云

靜夜

四氣朗清天無氛穢神風靜默地絕妖塵斗
柄橫空揭心詞於宵漢月先洗夜寒膽氣於
骨毛戰戰兢兢克伸昭事高厚厚誥賜開
知用扣師真庶周能事今有云云

本命經文

上象渾天分三辰於經緯
太清立教播二斗於坎離宣本命之宏綱闡
玄靈之要訣蓋人之根本攸繫七元天有斗
魁斟酌元氣性命五體屬乎主張壽夭一生
歸之于奪凡律曆之周運宜瞻六度以降下
人間伸香火之皈投故得三生之長為男子
修齋設醮量力建功酌水獻花隨緣報本既
良辰之每不虛度必上壽之所可增延應似
谷聲答如光影入意

真武經文

宴處太清色相非無而湛寂下臨北極威權
有赫以慈仁視民如傷切齒羣魔之肆擄好
生為重推心兆庶之興衰輔正摧邪消災降
福雖四十二年之修道三千餘行之成功本
從金闕之化身明示衆生之證果所以周行
六合威攝萬靈凡五瘟之小魔與六天之故
氣白虹影裏化作塵埃雙睛電中勤無餘類
故得邪妖殄滅家國咸寧每月三七之辰是
真君降凡之日宜伸香火以答恩休

安宅經文

切聞有巢氏之世食橡栗而栖木居巢軒轅
氏之時易棟宇以待風茫兩使民人之老幼
安作息於曉昏唯聖人初物之宜為天下所
利之大然陰陽有倚伏之變寒暑有疢癘之
邪人或冒之災所不免於是
太上命神靈而投職為凡夫衛宅宇以分司
以太歲為尊以一年為準法好生之為重務
去惡之居先立天坑麻口之神吞魔食鬼豹
尾黃幡之屬護正摧邪正位辨方安靈守職
宜太上威權之化防衆生橫害之虞豈期人

有賢愚同明禁忌神唯勇悍其間幽明犯之則無故悞之分千之則必示災凶之變幸惟太上再閱凡夫出符文以安寧宣呪法以警戒百神聽其令幽鬼稟其盟使悞犯者轉禍為祥飯投者却災致福人天蒙利家

國沾恩

惟四

九

道門通教必用集卷之四

道門通教必用集卷之五

卷六

惟五

楊林道士呂太古集

職佐篇

黃錄第一日為國歎經文

夫道德經者無為之文自然之化落落太漠之表巍巍象帝之先二氣資之以立根三光持之以成象細無不入大無不包其具以治一身其土切行雙且許音足以治天下其功以度羣品而微妙則能致神仙昔老子之過函關授八十一章而徑去漢文之從河上蓋千七百年而僅傳窮乎無窮極乎罔極以宣道德之要以為帝王之師至如昇玄演清淨之音入衆妙門而雜諸染著穢史列懺悔之品度一切厄而所履平安黃帝著陰符之書可以用師於萬倍青羅傳星曜之呪可以推運於五行是皆扶切神道於幽微聞玄宗之隱奧誦之則聲參太極研之則治化昇平禍滅九陰澤含萬宇慶流宗杜坐對無疆之休棧格神人潛消難解之厄再伸傷頤以盡讚揚先天立極浩難名恍惚希夷種本根天步

永清旋日月道樞不動轉乾坤靈源直斷羣迷徑仙路宏開衆妙門聖壽綿長皇極建願言辰極與齊尊

第二日遷拔歎經文

天度人經者三洞上品一乘妙言衆魔之歌音宣百靈之隱韻昔投於碧落之土而藏於紫微之宮梵氣彌羅周十方無極之界金真朗郁煥八天空洞之章文暢而曲不華越幽而義益與極玄中之妙旨非世上之常辭詠之者名列玉房聞之者神飛金闕萬帝設禮羣妖束形以至生天通微奧之言清靜啓真常之性十方嚴救苦之寶訓九幽投心印之靈篇普度天人津梁生死伴罷對於長夜咸列名於上清再引偈章以伸濟度

玉書金簡度人深流出慈尊廣大心梵氣

結成無極界天風飄泛自然音九幽破械冰消戰八極飛香月滿襟稽首無英齊接引神光一道破重陰

第三日消災歎經文

伏聞太極既判兩儀肇生闢妙道於虛無寓